

東洲草堂詩鈔

東洲艸堂詩鈔卷四

道州 何紹基 子貞

壽李燮亭太翁八十己丑

羣松秀高岡，皆帝所鬱蕃。一松獨喬壽，眾幹如兒孫。世人昧所由，企歎相踰躄。誰知寸牙初，早抱萬氣元。燮翁躬耆社，詎以庸祺論。我昔侍杖巾，竊睨諸穀根。物情洞蕃變，論史詞浩渾。儵然神骨中，獨有確者存。匪貧絜而削，匪榮臙始敦。造物不能傲，百祉來雲鷲。平生好博濟，毗士多被恩。固所抒揮然，而豈其壑源。華筵介八秩，嵩衡傑峻嶠。我言比潢潦，抱之侑康尊。

書黃支山學博吹香亭坐月圖後

大千清氣空古今，白月一照常冷洽。遂令吹香亭畔看月老，遠與屈子同其醒。爲媿覽揆隔霄至，山光招客何娉婷。垂崖絕厂

恣孤賞山醪苦茗皆忘形夜淡人定歌嘯作驚起嶺月來亭亭  
江聲十里走如雨長空一碧寒不星若有人兮蹇夷猶荷衣艾  
佩紛揚靈翛然意感鳳鸞下仿疑樂奏魚龍聽烏乎噤空山人  
迹不易有明瞻夜夜流光熒春風不到洞清谷不聞蘭芷忘芳  
馨胡爲先後息心士兀視萬古悲流萍矧余行履爛江路十年  
麓寺才幾經規來長安遇黃子讀詩見畫神一惺願將遺響託  
騷韻要使江頭峯再青

鄒道元水經注所謂息  
心之士多萃於此者也

寄吳鞠裳南陵

人言衝劇宜遷官我謂好官先樸閒羨君別我忽萬里一烏紗  
外是青山青山修修濯春雨箚霧蠶煙皆媚嫵朝寫百幅俱色  
養莫詠千篇當治諧山中童子初受經求公醉帖來公庭愛公  
讀書好風調有子學賦歌雲屏誰家老農涉官事失卻耕牛煩

處置攪公一夜眠不得比似苦吟爭半字

寄懷王魯之濟南

誰華一別今五年昨夜故人同入廳我慙故紙活春蟬君被名  
縉繫仙鳳高堂猶聞未白髮更喜聯吟偕伯仲攜兒索古走鐵  
廟共友按詩醉龍洞放壑春流脫幽險撐天梅花出僵凍須記  
兒時三寸書終看大厦千尋棟且當學道資餘糧莫歎一官如  
做甕

錢武肅王投龍銀簡歌爲周子堅作

不圖銀簡今遂燬尙餘鐵券臨安里鐵券雖存我未見醉眼冰  
窗逢此紙九百有二年歲經百七十九字畫清上言山河統制  
久民安俗阜市物平下言元恩合醮謝名山洞府祈祝誠獨龍  
昂頭簡首擎恩威在顏寒且崢忽西忽東鱗爪現時空時落雲

濤傾洞庭東泉投龍處此日真龍竟何許百年沈陸笑中原萬  
相陰奸盤水府我王不帝東南州錦衣者是真龍游淮浦銅鈴  
掣羅網江邊鐵弩奔蛟虯竟藏頭肉向七帝更拜雲日輝三樓  
卽今書銜稟梁詔天下元帥班尊優太師常秩不署錄中書尙  
父王錢鏐爲民折節乃大計佞佛祈福蓋有由聖主愚臣且非  
媿大道弟子夫何郵寶正三年三月吉是時王年七十七花開  
陌上蛾眉老枕警牀頭星漏疾何須苦祝壽齡遐九九數終八  
十一二月十六壬申歲記取錢王好生日錢王生是英雄人玉  
帶名馬皆精神羅平妖讖迹如埽斗牛王氣天常春咄哉史筆  
空隣响片善不錄爲世珍壯老撫國子及孫豈得不有義與仁  
寶石封山紀年號大樹衣錦稱將軍貴人侈大信有此例以淫  
蔡知匪偷英姿嗜學亦無偶功臣堂開盛賓友文通家學坐幕

下昭諫晚來居客右金沙繡段助裁紕越水吳山恣吟取飛騰  
巨擊壓芝筋呈露鋒鋌擅碑首崇福祠語記迺鍊排衙詩刻筆  
翔走試看元祝言有文進窺書律法無苟濇巖遠過元和脚仿  
佛卻出名王手昔人丐福同銘功匪利可鑠斯無窮摩厓造象  
迹難朽鑄金鏤物計豈工寥落隋家寸金佛子遺唐代雙銅鐘  
竇茲片簡能幾何出水入火頃刻中早知剎那付烈燄悔不萬  
載藏珠宮噫嘻乎當年霸業隨東風矧此物化猶轉蓬君不見  
黃巖澤庫沈鐵券後百餘年還厥宗又不見金塗萬塔忠懿作  
梵夾變相煙塵空宋明之際或頗出姜蔣而外誰更逢願君護  
此等重壁又恐燼滅如神龍何當與子狎高浪更覓浮屠東海  
東

小園秋色用太白尋陽紫極宮感秋原韻兼效其體

秋光滿園落農氣濯松竹清風吹我心浩盪不可掬蒼然一林  
迴中有鶴立獨仰看天宇高自抱幽柯宿時運有代更榮瘁不  
襲卜晚花寒始秀流水往而復畦蔬正盈把杯滌亦堪覆白雲  
日卷舒靜者觀已熟

紅葉二首

以紅寒二字爲韻

參差眾綠已怱怱天入初寒見畫工萬穉漸肥霜後色一山全  
占曉晴紅人樓古寺題新柿秋寫遙村醉晚楓訝是江南春信  
早汀洲應誤北來鴻

敲垂蒲柳望秋殘老去文章絢爛難卻訝枝枝如錦灼纔知葉  
葉肖心丹元根醞釀春前足萬丈光芒劫後看誰似山頭古松  
柏參天黛色不知寒

大雪用坡公聚星堂韻兼效其體

天宇倒垂雲四葉霧結煙消乍飛雪日望瓊樓儻可到昨夜東  
風吹路絕起聽一林凍雀語臥歎窗前枯竹折時有長亭短亭  
露已訝千山萬山滅我思膏澤兆豐年天公神柄誰敢掣奈何  
昨歲麥無芽坐遣愁民眼生纈只今陋室鋪瑤華卻笑豪家裝  
木屑杯酒無餘太酸冷殘鐙獨把明飄瞥何當嘉頌侍臣陪瑞  
語淋漓粲堪說不然醉徹西山來馬上賦詩袍植鐵

送吳蘭雪丈之官黔西州

庚寅

澈翁澈後道緣淡猶爲梅花日苦吟老去一官清勝鶴集成千  
卷韻於琴浮生飽看中原月絕徼來按太古心路入龍岡讀書  
處快攜遺墨證幽尋

丈藏陽明先生墨迹

烏江西去鴨池迴立馬晴雲鬼箒開崔寔治邊方最績文翁勸  
學廣陶才政餘讀畫千峯雨別後看花萬里杯我有吟情早飛



越從公山水窟中來

柳絲詞送周子堅之粵東

楊柳千萬絲織成游子衣游塵不敢浣寸寸是春暉

黃琴山出示宋元人墨蹟十六札錯綜之為短詠

東坡有何媿畏鄧峯已近鄉關穆父喜人歸臥敷文自詡投閒

東坡 史直翁 錢穆父 米元暉

晦翁未效阿瞞上子固不為魏公子昂我疑仲穆有感何來提舉

書空朱子 趙子固 趙仲穆 書宋人司馬迪小詞首句云妾木錢塘江上住 孫仲益 未應咄咄空書空 鴻慶集中

也句

西山定不艸艸瓦注漫詫廉夫和尚枉勞覓贊外史何嫌不儒

真西山 楊廉夫 中峯和尚 張天雨 郭蘭石 太史跋原夫一札府瓦注語 子昂中峯像贊云索贊不可得為師作贊

竟

鵝梨正換艸帖新茗定稱江瓶欲從金谿注孟還聽伏生授經

虞雅公

李韓同卿

陸金谿筠董題伏生授經圖詩

周子堅鈔杜詩於江南手集評語朱墨爛然忽失去今  
三年矣余得之於廠肆因以歸之時子堅將之官粵中  
故寫四句

紅塵一卷有珠還萬里浮雲又別顏好憶江南寫詩地烏篷開  
煞六朝山

題吳璋畫瘦馬

世人畫馬不願瘦但愁少肉時難售吳生畫馬能不肥更寫病  
骨觀者啼天寒木落艸路窄神駿昂藏我尤惜

天開方詔貢驂馴望眼空山月光赤

劉萼樓得子招飲

劉侯翩翩壯且都北走上國擊婦俱瘦羊頻年頗耐食旅鶴一  
夜聞生雛下爲門楹守書本上爲王家供賦租居然遣奴告儕  
偶一笑敢謂兒私吾試唬相與說英物墮地早已知名駒莫學  
乃翁自喜拙年過三十一腐儒腐儒呼客妙得侶山襟野抱來  
于于羽觴爭飛劇流水蒸鴨亂啖如瓠壺更出寒句破炎暑亦  
挾談語忘莊姝從今湯餅須記我年年生子皆丈夫勸客大醉  
早歸去劉侯婦賢今已劬尊公應破萬里笑蒼松快見孫枝扶

六月十二日賦贈李小坡

坡兄律已有繩尺攻恥厥躬俗遠屏中年誦書要精熟明窗作  
字戒馳騁問君何法能謹此庭誥書紳每三省卽看賓館雲意  
閒不殊子舍日華承我昔登堂拜而翁長松百尺波千頃精神  
迢絜轉夷易詞語暄和卻清耿寒潭古水澄不驚淡山老鶴徬

逾警固宜有子如坡兒比似大璞必懷環卽今行年六十二聞  
道綠髮尙垂頰羣季能爲捧觴樂一兒但望著鞭猛富貴雖非  
悅親具綵衣須稱紅綾餅我從別翁今兩年喜得與子長合併  
通家竊幸比融鷹同邑未應歧鄭邴且看新竹照淡磯卻睇明  
霞浮遠嶺知君連日鷹猶咳合我南賊共延頸何當歸醉劍塘  
月尋碑更刺滄谿艇

君家劍心塘  
去滄谿最近

伍香皋隨扈秋獮圖大人命代作

國家立法揆奮該

聖人曰擢文武才木蘭秋獮乃歲舉從臣例手彫弓陪伍君下  
馬行殿立翩翩風度清無敵膠豉滿月快橫秋激矢吟風驚破  
的

至尊一笑雲日光冠影翠羽看輝煌是時貔貅七萃士蹴踏不

敢誇身強輒裘快馬猶如昨倏爾芝田杳翔鶴卻嗟逝水未華  
顛更愴新霜凋棣鄂扈蹕卻憶

先皇年

小臣

屢亦瞻旂旆披圖恍覩瓊鸞盛寥落詞人羽獵篇

伍春嵐聽濤樓圖

我欲巨壑聽笙鏞豈能拔宅滄波中壯哉一椽俯萬松午枕醉  
愛懸濤春四山颯颯風響急咫尺卻愁窗几溼諸天靜氣誰得  
知詩人側帽樓頭立

題谷夜秋燈課讀圖

漢唐經師通治體長安魏郡推兩谷就中諫議經庫延賢孫倚  
相清芬續翁孫佳話乃有繼一燈紅綯出澗竹卻嫌短檠照兩  
眼長檠與照羣兒讀官閣泠泠政有暇瓶水汨汨聲滿屋昔人  
課兒究條理鼓篋貴精炊務熟於今學者大不然麒麟在檀珠

去檳諸君莫笑老翁癡  
德門庭草簪輟

奉題癸丑翰林同年雅集圖大人命代作

是科值何歲乾隆之癸丑是圖始何年嘉慶之癸酉中間二十載名位競騰躐英公最先陟密勿贊襄久照齋先生昔與匹早譽溢江阜鳴鳳魁

大廷搏鵬虬北斗翩然請歸養  
綵舞娛眉壽十年返

朝列重望成耆耆當年錦袍客  
此日黃髮交平生忠孝性論思  
期不朽瑩瑩鏡古錄箴誥森座右  
炳炳司文星光華照林藪卻  
顧後來士苦憶同年友聯望各雲天  
諧笑記誰某懷哉曩游樂  
倘仿如中酒昨來勤語我慙赧  
滋下走瞻言數仞高況又六科  
後竊看此圖畫古意發彝貞槃槃  
寫泉石娟娟媚風柳中有蒼  
松蒼身高節無偶想見立

朝心風力晚彌厚舊圖何日見跂望長搔首

煦齋師始作是圖而先生續撫之

敬題倦瀛雅集圖

乾隆癸丑春和翔振古福壽歸

純皇瞳矐

堯曦絢霄堦照耀四海成文章

大廷一鳳覽輝集鳩鸞接翼來踰踰鬱然奇才應元氣羣挺天

秀爲

國祥至今佳話留館閣緬想盛會儕黃唐後來圖中廿三老奕  
奕楨幹兼珪璋內陟清華躡臺閣出領封甸宣紀綱迴思登瀛  
昨日事蕭然裳佩同一堂喬林入雲石交峙流泉出山波始長  
儒臣風度名士樂懷抱冰雪聲琳瑯雅集流連託琴研令人撫  
企如繇蠶西涯勝賞未應獨東觀妙事吾能詳從來碩器重晚

節匪僅爲壽

邦家光蓬山，瑤艸爛無數。長松千尺參天蒼。

題仲弟畫送楊鑿泉丈出宰瀘谿

竹山娟好魚山青，兩山對起雲英英。泉飛樹竦壁鐵色，中有萬古虞琴聲。此邦匪獨山水絕，民慤士茂如武城。定知畫理不到處，待公閒暇來歌評。我聞公家川上堂，水田環注屋百楹。瀉瓶恣聽幼子誦，敲笠坐見春畦耕。此閒風物乃大似先生一笑吏，隱弁卻盼征途馬蹶疾。已覺山色蒼隅橫，何時南去過瀘上。從公拄杖看山行。

送楊子安隨任瀘谿

大江南北屢沿洞，今日瀘谿谿上來。笠屐從翁入圖畫，雲山如此費詩才。五年碣館吟邊劔，九日黃花別後杯。莫羨馬當風送。



客中流一櫂穩徘徊

送陶書樵歸保陽

大地積雪天有星夜來山色晴不扁游人癡到倚闌處寒意乍  
脫春亭亭余獲識君今五稔羨君長余才一齡縱橫文史川人  
海兀睨今古澗與涇君如洪鐘負萬石我發其響持寸莛況有  
英英二三子各尙奇偉交忘形明知久樂種離別且斟時光同  
醉醒古來高官出幕府或由諮議登王庭祇今青紫萃科目蘭  
生谷中誰薦馨惟當得米走奉母更待寫韵歌添丁瑤源澄沚  
流不濁冬嶺赤立春須青浮榮絆身我未羨拙語得理君當聽  
守身承歡保金玉此妙不繫昌與荅相看別後滿輪月且盡今

宵雙玉瓶

賦得柳絮

七律二首以飛花爲韻

隋隄新綠上腰圍飄絮無心亦化機搖曳偶然迎日起輕盈也  
爾順風飛波晴乍可供鷗褥露重還應颭蜨衣卻問短長亭畔  
路緜袍方送故人歸

團團飛徧路三叉未倩東風紡織加一任兒童閒捉摸妙空依  
傍自橫斜翻來白雪文章麗看到浮萍悟境奢何處漁舟纔歇  
鰲錯教涼窸入蘆花

賀修吾黃鶴樓搏泥小像

空江鷗鷺寒相呼仙風一去何由慕醉我如泥不用扶以泥作  
我猶形模卻知放蕩軟紅界自有不壞黃金軀請君迴環引鏡  
照修吾一笑吾非吾

題裕餘山方伯湘江送別冊子

民愉官吏愁官悅士歎呻醇風旣已遙大吏難爲仁問公有何

術歡徧官士民側聞父老言事業只一真我未覩公面想見鬚  
眉春皖國噉鳩多撫字方勤幸幸無念湘中清波日粼粼

集杜詩十二章賀果勇侯西征凱旋六旬壽

代魏  
默漢

其一

丹青照臺閣磊落見異人高宴諸侯禮鸞飛報

主身廉頗仍走趙耿賈亦宗臣老去才難盡來經戰伐新

其二

拓羯渡臨洮西山白雪高衛青歸莫府漢苑入旌旄鬱鬱星辰  
劍熒熒金錯刀尙思歌吹入歸及薦櫻桃

其三

頌壯戎麾出神兵動朔方望公如望威禽賊先禽王青海看傳  
箭雲臺引棟梁濟時瞻上將歸馬華山陽

其四

弱水流沙外鉤陳出

帝畿君隨丞相後虜其名王歸茅土加名數來朝大將稀霜天  
到

宮闕擁別有光輝

其五

畋獵舊非熊清秋鶴髮翁公來雪山重畫列地圖雄勛業頗着  
鏡天山早挂弓豈惟高衛霍將欲倚崆峒

其六

收取舊山河開邊一何多羽人掃碧海元帥待瑯戈自益毛髮  
古還聞賓客過封侯意疏闊筋力定如何

其七

淡衷見士卒豁達披心肝灑落

君臣契蒼茫舊築壇萬方頻送喜每日報平安主將歸調鼎千門立馬看

其八

志在麒麟閣兵張虎豹符聰明過管輅戰策兩穰苴好武甯論命書生道固殊丈夫誓許

國壯士恥爲儒

其九

大樹日蕭蕭青松自後彫熊羆載呂望異骨降松喬鳳紀編生日龍泉必在腰丹心老未折應拜霍嫖姚

其十

歸到又春華銀壺酒易賒風塵三尺劔兵法五十家不願論簪

幼坐着端流沙每聞戰場說細細酌流霞

其十一

稚子亦能文休看白髮生

恩榮同拜手僕射如父兄自古求忠孝終身荷

聖情別來頻甲子旅食歲嶢嶢

其十二

昔在嚴公幕杜陵有布衣看君話

王室妙略擁兵機破的由來事元戎決勝威稍酬知己分欲報

凱歌歸

刈麥

麥長望雨足麥熟要晴乾晴餘得小雨刈穫功可觀繡隴漸露  
土黃雪堆作團兒童亦何事爭拾秉與秆風晚刈少息父老慰

復歎人知南岷勞終歲泥濘閉不思北人苦地燥力枉艱水利  
既儉蓄麥氣易凋殘去冬苦不雪春霖迴枯寒初夏旱可虞晚  
蓋澤未慳根萌偶鬱開稔實難堅完猶喜獲過半粒粒天所頒  
迴思連歲豐兒輩習飽餐今茲詎非幸畜積思艱難天功豈強  
邀人事粗可安明晨勉早作白月茅檐端

銅鼓歌

銅鼓之制何茫茫蜂腰蟄足不可詳張公好古恨生晚移傍周  
鼎焦山旁焦山下臨江水白江光海氣長蒼涼此鼓不鳴亦不  
叩虎豹蹠跡蛟龍藏古人軍中示威武作器銘功有規巨瑯戈  
一字出商家獵碣高文齊响嶼龍伯有戟何伯槍永昌之椎太  
和弩胡爲此器獨樸屬不畱文字形模古伏波東武皆渺茫以  
物附人嫌莽鹵抑聞嘉量鼓有制四石能容陋區釜禮經獻米

手有操觚人賦鐵典堪數軍中貴兵尤貴粟用之如何無不許  
誰期空山鎖夢落闌闌無聲臥寒雨鍾魚粥鉢正喧闐誰歎有  
意勤摩撫

舟中卽景八首次胡仲安韻同子敬弟作

辛卯

船窗初日

舟行早起做疏窗浪影玲瓏動一江水國陰晴占曉霧殘春風  
物似鄉邦爭迎旭景漁榔集亂點晴煙燕語雙最愛晨光迷向  
背篷根百折趁回籠

波心明月

扁舟竟日在江心舟影從風靜若琴乍掬滄波逢皓月不知圓  
魄出遙岑全收瀟灑清千里靜看新秧露萬鉞世界光明人不  
寐遠天鸞鶴有餘音



天末晴雲

春後青山苦不晴  
桃花村落滿鳩聲  
快逢霽色明遙浦  
薄散微陰覆古城  
石氣騰空閒化鶴  
瓊樓何處夜吹笙  
看雲怕讀愁霖賦  
飽聽人呼癸與庚

上年大水

江浦長風

不敢貪天強借風  
無端譚笑別江東  
片颿直送千峯影  
一日能爭半月功  
鵬路少年矜早貴  
馬當詞客壓羣公  
萬緣無定終歸定  
坐對平山靜撫桐

涼宵命酒

淡宵涼味聚疏燈  
酒國強臺許共登  
星斗招邀樽底落  
煙雲圍畫醉中能  
小窗風雨天催別  
獨夜瀟湘我亦曾  
棖觸江湖十年事  
古懷今抱總春冰

伏案圍棋

篷底楸枰乍合圍送春天氣汗沾衣晴村野鳥時窺局靜夜江  
神許叩扉雲意嬾時人意捷雨聲喧處子聲稀凡才漫逐中原  
鹿從古邊隅好建畿

明窗小楷

舟行搖兀妙宜書小字行行比貫魚半幅風颿毫動處十分春  
氣墨香初長須黠鼠鋒爭健宛頸谿禽擊不如真逸畱銘遲再  
訪笑同弱水阻飛車

擊楫高歌

句子推敲日細哦謳吟聲韻貴平和凌雲頗有真人想破浪聊  
爲壯士歌遠浦高風來鶴鶴長江暗浪伏蛟鼉淵淵金石中流  
發漁父驚聞出芰荷

答楊紫卿

別時不思見，知有會合時。見時不言別，知有別離期。婉婉十年交，堂堂千載思。新篇忽披示，懷抱轉幽奇。示我窮通義，共葆歲寒姿。君看日月行，災咎有時罹。山河水潦多，積漸多遷移。頗疑乾坤性，難以堅固持。矧彼艸木質，詎救柯葉衰。人身粒米細，造化所網維。精神一摩拂，風雨若追隨。窮通各有責，遠近理無歧。秋風厲以清，颯颯動書帷。宵枕積萬感，晨樽無一詞。隔巷聞書聲，羨汝應門兒。相顧意將別，讀畫且論詩。沈懷滯陰雨，去去湘之濱。願言加餐飯，潤澤膚與肌。我行首京雒，自歎衣塵緇。登高夜南眺，念子寒與饑。

楊紫卿祝融峯觀日出圖

楊侯數年不相見，百賦千詩日豪變。秋宵示我觀日出圖，奇霞異

浪來相綯蒼然鬱儀一老翁獨抱純精東海東曉起一沐八瀛  
隘大鏡照出青芙蓉芙蓉浮浮紫雲繞詩人翩然化朱鳥天風  
微動夜氛淨靈氣同斟太清表我聞日馭無終始半行地上半  
地底好乘烏羽班虞淵更逐羲輪出蒙汜游蹤忽徧東南隅浪  
浪海水不可募祝融仙人頗相憶峯頭雲意常橫徧我心悠悠  
似明月獨夜空山想白日起滅萬象中有赤安得初陽一照能  
成實

辛卯重陽在長沙登天心閣步游城外歸觀鄧子與陳  
迺錫兩先生詩墨卽與子敬別兼呈沈栗翁鄧湘翁楊  
紫卿陳堯農

寒波一夜生清湘天意引客換重陽離思著人不可謝有似萬  
木撼撼含新霜同人試登最高頂一氣直上如翱翔南望斑竹

吾所鄉北來鴈書不得將爲君東指海雲處青山影盡連空蒼  
忽歛奇懷問歸路但見荒邨古屋棲斜陽何來塵積發古紙合  
我眯眼驚虹光陳公艸堂句凌亂鄧子方外吟淒涼

聖朝寬大活遺老幽壑不艾蒼松蒼遂令狂文破筆恣雄怪至  
今白雲長護名山藏咄哉奇賞絢嘉節乍覺百世如同堂醉呼  
阿連更酌我爲我別淚淋漓黃花雖未插吟帽諸君亦可滿  
此鵲請看蘭芷異時節豈有臭味殊芬芳惟有城南碧血掩黃  
土屐痕不到別後心旁皇擬至蔡公  
墳未果

次韵胡蓀石捫蝨

胡子輪囷抱奇氣胸中經緯有剛柔難禁技癢日捫蝨忽聽聲  
歡如中侯且得吟身清淨法兼懷鄰枕蔓延憂何時活國藉君  
手一翦西方蜂蠆休

與晏筠唐楊杏農胡絳石同作用坡公監試呈諸試官  
韻時在江西舟中

洞庭蟠水府，衡雲推石廩。蓋壤鬱精英，流峙各承稟。延延千由  
旬，浩浩幾年稔。人材乃萌芽，清氣其掬飲。大才壑源深，小技餘  
波瀆。譬如同礪金，精粗有殊品。又如其畝地，擷芬列葵蕸。根柢  
豈能別臭味，須互審何期。我輩借膠漆，亦云甚賞駿。遲良樂懷  
奇，粲珠錦。惟當勵切琢，庶與滌沙礲。同舟幸夷猶，泥履免踣蹙。  
時惟冬之孟，石瘦山色凜。沈陰日潭潭，洞雲歸淄淄。遠林如枯  
藨，墜果訝熟椹。山風颯然至，飄烈到巾衽。噫嘻水國災，氣惻  
皇帝朕。發粟詔屢迫，流民圖可諗。而我竟何能，篷底事煎餽。  
食類侏儒鼓，詩慙宋沈風。颯曉已疾，藤牀午多寢。山靈如良工，  
謂我不可饒。思之一起立，心嚼舌已燂。汲汲趨庭闈，晨昏勤席

枕時延三君同往家  
大人浙學使署

衢州舟中卽事與晏楊胡三君子限韻

灘多船愈疾天寒酒能煩白日馳不迴古意森欲滿冬嶺看逾積客路翻詫短何期乍遲滯篷底若門館雜沓走三老喧呼集吟伴前山岸然來兀若一臂袒高林乍疑前平踞復忘悍遲雲走閒閒白日照坦坦雲隨去鳥遠浪笑栖鷗嬾我舟忽閣舷別舸擬飛笥而余方頽然狼籍守杯盤扶牀恣吟臥隱几劇蕭散狂風挾颿起沈雨齧纜斷中懷惕波瀾靜志肅圭瓚急浪戒爭篙名關慎持管急跣得夷易前路庶延纘忠信良可憑不濟古亦罕須臾風勢卻波意如漱澣青山欲吾泥我又不能緩亭亭子陵臺郵程行可算

舟中盆菊用坡公李公擇梅花韻

年年盼秋至黃花使心動  
葶甲已先賞爛漫有餘弄  
今年客長沙大暑吟筆凍  
罪罪塵沙揚簇簇浪蕩闌  
淒風吹文字大月照賓從  
金英入吾思幽癯夜屢縱  
秋句有蟋蟀萬里憶吾仲  
賃屋無東籬芳心豈自負  
行程與天遠秋心載船重  
踰山見平川聽鳥得異擘  
一枝驚旅矚三友忘曉諷  
自聽榜人歌難解羈土痛  
衣寒帽側管榭怨琴彈雅  
皎然出風格使我靜睡癯  
遙想溪山安茂護萬本種  
秋香破屋廬如驥不可韉  
何爲孑然植邂逅游迹其  
層淵孕奇珠千仞下孤鳳  
晚香霏漠漠古意懸洞敲  
篷如短籬爲君掀酒甕

船頭菊

波濤立風中鷗鷺不敢浴  
船頭有幽花意若在巖谷  
金英纒數枝縹葉森一簇  
白日來晶寒輝輝忽相燭  
光明本無私晚節非



自暴山葉被霜欺正色失紅綠紛紛竟何爲偉此獨立菊

橘

人心如春雲所至不可畫嗜好遂歧異江水瀰九派胡爲獨嗜  
橘若疾無由瘥得枚喜擊團啖半忍棄敗去膚見絲理畱核有  
餘嚼吾聞古志士志節喻孤介頌美定非諛奴多亦可戒余獨  
戀口實飽啖不能殺脣乾拯午渴氣猛忘宵歎酒佐脫秋寒客  
酣助談快人生取與性甘酸互售賣汝味乃一致兩者無可界  
有時近苦烈俗腸更增嚼吾意乃非然採馨先去隘緬思錫貢  
義更占木果卦

敬次大人韻望母舟未到

衙齋澹如許忽若忘塵閣修竹靜自鳴寒雨過復還應將八詠  
句破此三冬閒北望有風雪欲上南屏山

天欲雪用坡公臘日游孤山韻

雪未落冰生湖前山十里望欲無朔風浪振林谷作勢乍入  
寒雲呼先生梅鶴爲妻孥竹鑪紙帳差可娛田家未免望滋液  
吟腸亦復來鬱紆凍月破雲光到廬欲出不出明已孤飛煙忽  
疑挂庭樹袖手猶似披茅蒲咄哉西鄙乘障夫饒歌奏凱臨朝  
晡此日旋戈萬里走來思雨雪誰能圖我今一鎗風翦餘蒙頭  
高臥心蓬蓬作詩待雪如待逋長空似墨何由摹

寄子毅子敬子愚弟時毅愚奉母出都子敬由湘中來

浙壬辰

春風不知處魂屢逐迢遙已傷清江艇還飛湘浦橈家書三地  
鴈海信一鎗湖想見波濤上同時各寂寥

次韻荅陳九香

憶讀三寸書已負萬古債常虞子然身於世等疣疥文章本元  
 造客氣易矜快孰令八代後日見九州隘陳君偶然來南行一  
 颿挂示我近游詩吟瀾恣澎湃坡谷呼可作施朱詎足邁雪中  
 河北走凍色漬襟帶春初江漲縮大舸落瀟澹郵程遂踰期詩  
 課乃稱最慘澹詩人情俛仰別有會卹裁出苦語淚滴酒杯外  
 懷古劇蒼涼題山肖奇怪況兼求友心賢豪必針芥臭味出真  
 樸毛羽任豐鍛奇哉逢二子嗚理別後語與燕石杏農皆舊交諸君亦激  
 昂詩語互炙膾肝膽如春風一夜罔不屆梅花太無情行李又  
 當戒推篷試東眺溟渤納萬派不竭靈源靈有此大水大古人  
 堂堂去精氣不可畧與君竟追逐莫作望風敗

王亮生壘擁書圖

空山兀兀松梧淡千年百年霜雪心世人不到厓谷寂遺籟猶

作風濤音看君此圖時尙少隱几忘言秀風貌堂堂吾目覽八  
極涓涓古心涵萬妙年過四十日撚鬚咄哉漆室聞長吁晨宵  
憂樂在天下一卷踟躕平準書君著有鈔

懷汪少海丈

鑄錯真成一笑休當年躡屨古杭州濤頭不敢窺三版詩筆猶  
應迴萬牛料得歸心滿岷蜀爲余圖畫說滄洲寢醒日出人何  
處急水灘前幾白鷗

台州試院和陳九香韻

海邊天色幾曾青一笑纔逢雨腳停下澤未回春後凍好山都  
似醉餘醒百年父老猶餘歎昨歲波濤我未經吳楚茫茫入吟  
寢且看白月滿閒庭

寄杏農

學子衣帶緩先生書策尊何當春雨夜聊把酒杯溫水竹有情  
性僕童念語言多應念朋舊別緒滿西園

河間獻王君子館專及開元寄字瓦歌爲苗仙露同年  
作時應秋試至都

穆穆君子專蒼蒼開元巨印林拓贈今幾年今日才識苗兄者  
苗兄苗兄今經師譚經寫韵人呼癡專瓦無言古心印畫以爲  
友宵寢之獻王之賢古來少開館延儒親藝埽山荒石突幾千  
年一僂猶因君子寶開元初政亦重儒大小經仍願學徒片瓦  
茫茫欲何寄曲江北海疑相呼祇今殘當破墜收遺缺關洛接  
珍到吳越朔方但有古長城秦時塊貯今宵月何期二妙都歸  
君古光長照秋嶙峋黃金臺下駿馬骨待君拾取從荒榛

汪孟慈農部招同楊季子陳東之王□□游二闕孟慈以

倉差於開日行館奉母舟中宴罷  
出紙索季子東之及余書甚暢

蘆花瑟瑟柳絮紛紛冷客招來恰兩三十里水光明郭外一船秋  
思到江南陔華別有官居樂煤鷓偏宜野趣酣難得篷窗煙雨  
裏乾嘉文獻滿清談

顧南雅朱芥堂兩丈爲張淵父畫梅皆有詩淵父皆疊  
韻答之余爲書後亦用其韻

淡秋風葉如雲委家家墻階呼童子世人都有歲寒意是誰堅  
臥冰雪裏張揖本是淡山人鄉思向人不可已屋小如舟書滿  
牀翛然梅花森兩紙冬霰欲零君未知春風時來花不喜清香  
墮壁入我懷吟聲出廬掩鄰耳卻懷顧老鐵石性不共年華付  
流水朱翁雖貴筆逾冷凍研醅顏將老矣蒼雲茫茫天不晴紅  
塵紛紛我稽此歸心如月滿茗雪湖上梅花正清美把君詩句

到江南

持詫王陳定誰比

謂王亮生陳九香時在浙嘗皆淵父所善也

淵父以南雅丈畫梅見贈以詩先之復疊韻奉答

鬚張情性如梅花能識花中古君子  
竭來示我詠梅作清芬十日懷袖裏  
顧翁詩盡我所愛齋壁屢見歎未已  
鬚知其意笑莫逆移贈橫枝花滿紙  
翩然月色到庭戶一夜天人大歡喜  
墨波仿佛動谿影翠羽依稀喧客耳  
想見擎寒澱筆時屋突山空天似水  
新篇白戰氣未慄一歎俄成廣陵矣  
雪泥過眼乍今昔畫妙通靈誰彼此  
鬚詩作媵態亦濃合併回環看逾美  
銜杯更讀朱老作韻事定應坡谷比

答昨詩意

題張淵甫靜觀齋四圖

卻掃讀書

平生千載志兀兀掩柴關屋廬何必廣蕭然天地閒萬物日聞

寂往哲勤躋攀開軒一清眺白月四更山

停琴邀友

所思在何方煙霞滿林藪願爲琴上弦時時縈玉手芳春易銷歇沈思感其偶猿鶴爲我愁空山獨立久

春郊縱牧

城市亦何喧襟帶乃自縛但願爲牧童嬉游恣林壑瞥見西山紅上山尋日脚無作多牛翁生計減歡樂

山居種樹

物化隨日淡雨露乃滋養先生屋底眠大樹山中長鸞鳳巢其顛靈芝巨如盎靜觀生理足秋氣接蒼莽

宗滌樓湘江迎親圖

湘上山無沙土痕湘中水無蛟鱔渾丈人簪年宦游處巖雲浦



浪今猶溫丈人一官竟止此湘山淒頽水驚駛有兒奉母倚其  
閒湘山愉愉湘水環公車書劔風塵走兒暫得官走迎母朝聞  
兒至湘水怡暮聞母去湘山悲止愁官卑祿亦薄恐母爲兒減  
歡樂母言兒且走應官夜來湘水春方瀾

勞又峰藤窗懷舊圖

藤之華何彼此懷伊人不可已江湖白風而起結纏綿通古始

宗滌樓天養適銘

順天之生是天所養或悟厥機雖茂也枉水大魚育山深樹長  
任心浩然斯氣無壤

沈遐甫丸能圖爲其母作也其父嗣非所嗣幾傾其家  
其母庶也鞠遐甫讀書卒去非嗣者而全其家

織影書聲兩世人沈家賢母卽功臣慶花花是兒時好冰雪無

邊獨藥春

選甫有寢  
花書屏

爲金亞白侍御題其九世從祖對峯先生身華堂圖

烏乎彌邪義服豸稱服不媿古誰子剛稜勁節嘉隆開甌恍仁  
和金御史嚴馮相繼抑賢正冰霜摧折彌自砥十年吟社孤山  
麓忠肝爲國終不已作堂元元煙雨寒惟豸之華照湖水三百  
年來風轉蓬氣骨猶看孫祖同章疏侃侃今亞白令人企想對  
峯翁

送周子堅往江南

元化既窳分乾坤萬古浩浩流清渾其氣著人翻以堅剛柔躁  
靜難具論獨有一氣離萬原尙所融脫天攸尊懸立物表空繫  
援實貯虛妙念形真尙得是氣者無喜怒哀嗔亦無去畱與恣  
膏古人戢戢同屋鄰我思諸友中惟有吾子堅與君冠歲交彈

指逾十年相從罕隔旬。諧際任所便，不見肅與溫。而有真意存，  
春風不煉物。物性濯濯相，娛鮮觀物空。色兼忘適之，適常陶然。  
自從洪鑪日，焦憊嘗恐是氣將竭焉。何緣遇吾子，我爲造化小。  
兒喜欲顛今日，是何日向。我容蹙離懷，生爲賦履里。詩暫作江  
南行，江南春色婉。以清柳絲初碧，煙能晴。蹋花已別，長安陌。載  
鶴日近姑蘇城，況有好友偕。詩情畫意同寫，傾期葆神理。充無  
與造物爭雕鑿，磨制亦何事。息息欲到氣所萌，辰良方夙起。驩  
駒鳴不已，阿母量衣兄。裏錢願絮新，李早旋止。我有一言告吾  
子，願子弗嗔亦弗喜。江閒波濤去天咫，洵洵駭人不可理。但持  
一柁植如山，坐看魚龍真戲耳。

戲爲鐵耕樓詩柬黃香鐵

斯樓何樓乃是干霄鎮山之小樓，幽窗疏疏，明海日短，費元元。

擊霜秋斯鐵何鐵乃是千辟萬潛之香鐵縣縣而柔春女面滄  
滄然塞古時月香鐵香鐵本是識字耕田夫何爲僕僕猶公車  
當年詩價黃金匹一笑年來鐵不如

宿桂平縣

淡秋積潦阻行驂晴過中榆雪未酣三丈紅塵車五尺教人爭  
不憶江南

金橙紫橘貢餘香朝貴擎攜佐客鷗一擔千錢太狼籍緣何不  
願住江鄉

東洲州堂詩鈔卷五

道州 何紹基 子貞

詠吳康甫景定專次許印林韻

癸巳

振奇耽古索古專承初五鳳稽遙年泥鈞眞質苦難辨往往尙  
雜煙沙痕九鼎沈淪不復興但逢康瓠固足珍吳君甄錄侈隆  
富百數十贊斑麟麟大都唐前滌秦後趙程孫阮隘睹聞連窮  
春雨勤洗氣出乍脫本詔可捫景定元年字如新稽諏建置諦  
流源修築巨役賴是傳烏乎汴京肇造神謨存屈曲計詒萬禩  
安政和改更失樸堅胡馬蹴蹋如平原南渡創列十三間宮宇  
偃陋固可人百三年來遂侈落想見初制非奢煩何不遂畱此  
缺剝缺中眺見幽燕雲而顧范蠡事補飾坐令汴土生棘榛咄  
哉此專未云古令我作詩歎詫視水昏

壬辰歲杪由京師至杭游西湖歸爲陳九香題朱椒堂  
丈畫梅次九香韻

我生蹤迹如頑仙年年出入燕洛閒但逢梅花便思住花下坐  
嘯同溪山竭來自燕南走越風雪妬盡游子顏飽飄千里若快  
馬入門一笑驚殘年同人要我看看湖去湖水破陳光搖天徑登  
浮圖最高頂梅花世界空無邊敲亭仄路香意動初胎冷藥珠  
顆團花如高士不炫客意思尙在羲皇前澹香拂拂來袖底訝  
是野鶴身翩然歸來醉臥窗月曉狂癡飛墮孤山顛陳君因循  
示此畫視昨覩者當孰賢豈不奇偏肖天巧但少空外真雲煙  
禾中老人亦偃蹇卅年孤負湖山緣且當共子養腳力更待青  
鞵布鞵相後先

爲陳九香題顧朱兩丈畫梅用前韻九香和詩添入妍

字韻

顧公一去隨雲僊吟魂兀兀天地閒朱翁持筆老愈捷卻緣胸  
有江南山兩幘無意忽相遇此花變相無常顏詩人畫梅具鑑  
鞦落筆一鑄能千年陳君作詩詩有畫吟意時出天外天戛然  
詩就卻在此默爾意遠茫無邊春風無緒感契闊明月豈能長  
滿圓譬如梅花萬本只一族託根同在太古前新柯玉蕾或甫  
出高幹鐵植先蒼然華堂時移遠樹到野屋更放疏枝顛世人  
一任嗅且賞花意早忘愚與賢高山闕壑春氣不到處定有巨  
幹糾絡萬古之雲煙從來人迹不許識而我與子孰攀緣孤山  
固好喜尤近但願勤去求其妍停杯百感澹成水莫遺花開日  
出更有他人先

題吳子苾襄陽唐誌拓本

憶昔戊子冬十月舟行瑟縮抵樊口芒屨徒步叩郡閣騎馬攜  
朋陟峴首諸葛羊杜莽銷歇萬古斜陽照杯酒歸途卻過鹿門  
院空堂斷坡垂古柳眼明忽見唐兩碣儼若彝欽森左右西城  
梁君夏侯氏詞翰流傳均不朽細捫塵壁仞題字知是吳君手  
蒐取波濤奔鬪失堆壠文字突出燦星斗使君鄭芝泉太守爲我屢  
吁喑襄州近事君諗否江隄壞自十年來神沙恆見白日走高  
樓大屋化浮槎古冢漂流更何有安得人人似吳君功同掩骼  
意長久咄嗟拓贈呼羶椎闔匿收藏儼瓊玖五秋歷錄長相憶  
一笑長安乍攜手金石恢我眼中福風論妙參霞外友今日何  
日煙雨冷入門告君以重九菊花瑣屑君不嫌破帽敝斜吾豈  
偶古光空復絢蘇齋春艇回思揆越紐譚次及此卻還視我襄上拓  
記憶夙昔神斗擲雲空雨歇詩寢寒歎息當年賢太守芝泉托郡甚有



名今已作  
古人矣

題熊雨臚同年讀書延年圖

甲午

何須業白始成佛何必飛昇方是仙  
古人詒我二萬卷心光照耀三千年  
雨餘風清日當天卷簾焚香醒午眠  
琅琅吟諷嚼珠玉宛宛神頽如喬佺  
不知物有萬擾緣不知世有行路難  
德華道腴不竭渴浮名隆富皆雲煙  
讀書延鈴果妙詮示子寢者何其賢

途中苦旱聞雷

自出春明門炎風吹惡土日氣照行人  
有威不成煦行人何足悲田禾實太苦  
計從冬及春天膏未嘗子塵有千里飛  
麥無一寸吐因循卜大秋漸次逼炎暑  
天心不憫農農夫淚成雨農夫雖有淚  
上天幾曾知天公本仁愛有物實蔽之  
豈無峭風

作亦有閒雲披風雲自遊戲潤澤不一施豐隆忽大呼震動南山陔天公此一怒風雲當疾馳名山與鉅澤奮合在斯時

病起柬楊紫卿

長沙臥病逾十旬寂坐城中似空谷起居冉冉逐藥裹禁忌紛紛生酒肉忽思今日是何日客裏重陽去已速五夜狂風吹短樹一年幽廳空離菊秋陰漠漠固已多秋雨黯黯猶未足十日不見一日晴羲輪投轄娥眉登道逢詹尹問其故斯是何祥宜可卜詹言陰盛陽則吝金為水母理一族或虞小醜弄潢池或恐愁霖浸坤軸我言君語亦倘悅方今主聖天下福昨者京師方大澇棘院諸生赤其足秋淡土冷不為患禾黍香酣梨棗熟連年偏災亦已甚今茲元氣差當復願祝百吏懷忠肝全為羣黎紆蒿目孱才坐媿賈生策隱抱翻同

叔輒哭沈思濟濟來神鬼吁喑無端詫童僕且行且止賈胡裝  
同病同懷楊子獨小詩激語未全刪祕之莫遣它士讀

壽黎雲屏丈

雲屏丈人福所將德源性海成汪洋神明聰異破世囊升沈裔  
富皆等常平生蹤迹匿厥光往往識者非能詳我交子舍文字  
郎略記其樸不得忘蠅節早屆岷峨鄉如上青天浮釣航靈槎  
一繫歲月長邛夔變俗皆慈臧官吏持守遵紀綱念彼蜀士多  
奇芳而苦僻窘不可昌獨建大廈隆棟梁溥被葛棉飽稻香蔚  
然絃誦聲琳瑯如學子環師傅堂再爲觀察古豫疆黃河順令  
護天糧從容餘暇潔几觴與客酌斟繞吟廊愛才恤士莫可量  
想見中實能容藏

帝子投老歸沅湘翩然乍脫名途纒門庭湖水天茫茫嘯傲浮

世風雲蒼自樂幽居松桂秀頤養性命恬心腸將與喬仝爲頡頏  
小言欲寄難飾荒靈松怪石同千霜炎日正赤槐未黃安得  
一雨詩硯涼

聽雨圖爲鄧雲渠湘皋兩丈作

蟋蟀悲秋菊池塘生春艸古人重友于寤寐傷懷抱何如此圖  
畫招之入山早長途雨聲繁家山雨聲好聯牀無應一燈春獨  
夜愁霖添苦辛世閒人人解聽雨東西南北少羈旅

松竹園雅集圖爲雲渠丈壽

高語羲皇好季昆籃輿到處卽南邨快傾學舍新醅酒共醉田  
家老瓦盆松竹遙風奏竿籟須眉壽色引兒孫豪門生日銷銀  
燭爭得新秋月滿園

南邨耦耕圖爲湘皋丈作

昨夜一犁春雨好阿兄叱犢出門早季也相從天喜晴回頭猛  
憶長安道長安道上車馬光登高一望塵飛揚川原袞袞日趨  
下南至宛豫兼徐揚連州接邑多大水歲比不登民困矣可憐  
十室九淪散時見孤垣絕鄰里何如弟若昆薄有田與園曉聽  
山鳥到檐下夜看露珠生稻根南山何時雲北山何時雨田中  
後先有僑侶歸來團欒粲兒女頗怯耕澆泥滑足那有途長口  
生土烏乎噫方今西北水利亦已休東南海堰煩

宸憂兩翁學道時懷抱豈得無意蒼赤謀琴衫拓落鬱真氣茅  
屋倡和怡天游時聞長吁到民瘼快瀉苦酒銷牢愁祇余何事  
錄錄不得息夜屨自尋車與舟世上有誰知種田兩翁者是農  
家流相從暫借南邨住願爲弟子勤把鋤與耨

我行君雪上，屢幾曾停。蘇刺城邊月，

宋鼎定修城

波涵井底星。

宿井

今宵燈影白，滿眼鬢痕青。何日鴛湖去，檀椎更細聽。

邢醴泉翁留宿邢園出示存不存詩稿小詩書後

石城滿斜日，江風吹我走登峯。

滿席

復憩園隨蒼然遇吾愛，從

容始通名。譚笑成握手，千里看山心。叢叢寫杯酒，名園夙所跂。

清景擅林藪，雲霞飛滿閣。星月森在牖，粲粲數前輩。

席間談及

蕭老冉冉餘耄友。

同座

新詩秋感集，舊句春情厚。纔知擴

懷真，令我把鈴久。閒雲復吾導，別緒悵成偶。明日訪焦先，山顛

重回首。

林少穆丈出示石庵相國書廬山記卷子書後

憶昨泊潯陽，躡屩登廬山。中途乃卻走，風雨相追奔。

前月游廬山至東林

寺遇雨而返

飄飄清夜寢，長繞香鑪煙。扁舟捷于鷺，拍浪棲吳門。觥

桃林丈人持節撫此民，威惠旣摩荆。文章括流源，銀燭爲我張。  
酒杯能使盪，圖史出奇置。手眼羅球珍，就中書律精。批引勞繩  
斤，爲言當代筆。惟有東武尊，欣然出緹襲。相與參骨筋，橫嶠若  
雲舒。細字宛珠連，真韻澹滄滄。卽古光淡可，捫淵哉書意。遠氣如  
敷淺，原韻頡五岳形。吐納九派川，知其心。手際涌抱氣，化元適  
然寫。此記意象宛肖焉，心神我已移。面目喜遇真，平生耆八法。  
頗亦厭拘牽，安得萬里景。歸此一挽懸，行觀海門潮。更袖岱岳  
雲，登峯欲造顛。滌水當求津，請看汶領游。諄諄果其緣，山陰有  
法乳。何日許重論。

十一月十一日由吳門至鎮江，已三更後矣。坐小漁舟。

獨酌渡江

清風三百里，送我過江來。皓月全浮水，中流笑舉杯。天空孤塔

迴人靜暗潮回直指神京去扶桑曉日催

呂堯仙古專冊

乙未

長沙初識主二樵杭州屢見吳康甫專頭磊落盈按席藻潤新  
塵成古宇六舟上人更奇恣兩腳不蹋街上土宿揆督井鶴闕  
月杯渡滄波魚避罟殘專敗壁有何賢不用支頭用諏古塵中  
邂逅磻谿裔虹光照徹長安旅甄藏瓴甌輕千金束置楨榦堪  
五堵心摹手拓自矜祕爲余袞袞言其麤十三年誰諦文景年  
九月當屬典午七八年與八九年太康兩專非離齋黃平作鄧  
公翼作元康半璧名兼舉五鳳書年吳亦有五泉泉文洪未諧  
王家門伐冠永和大帝風流記黃武皇帝同宗顯貴戚文粲孝  
廉緬高矩甯喪吏想功曹同甄範使爲陶旌主章祿吉語肖蝠  
鸞鳳奴巧工模獸虎沙釘煜燭斗七星錢范依稀文百五句章



賀方出故宅雁門何記稽邨隔泰和古字通濡儒咸澤俗書嗤  
玖伍秀州嘉興政和前鄧剡縣堪班志數雙龍一鳳刻劃精林  
雪金閑名姓嫵者卓記與桃源鄉宋季遺模尙翩舞款識殿之  
呂氏作署書恰有甯波府令人最憶天一閣九月一專出垣廡  
天一之閣高入雲范氏藏書動

當宁我曾拾級陟樓屋大木奇礪翠森拄芸石珍護秘羽陵題  
躩芬芳襲椽礎大半書傳宋代棗固應壁餘趙家土春風揮手  
忽三載夜癯蒼蒼墜鄧浦羨子趨庭依鄧峯丈人作郡今召父  
爲敞淡堂同醉罌待步花甌鏘佩瑀笑我浮生運暨虛有心學  
道適埴苦好事提攜賴朋輩時示古香清俗腑倚裝爲翦夜窗  
燭敲篷去聽秋江雨磨甌作鏡竟何爲富貴浮雲能幾許

秋試

中丞吳荷屋丈人出示宋點蘇詩施顧注本喜賦長句

坡詩洋洋海波注疏川導澮得施顧施書世削顧名湮宋邵何  
心錯同鑄吳興山水接吳郡多少峨仙舊游處兩公鉛槧互真  
搜蓋代英靈儻來護析薪負荷倉曹賢補綴低行得依據松煙  
棗版劇珍重傅十八官歐楷著爲期鑿楹壽先業豈止酬縑楮  
貧故風雨荒庵老學尊文章法乳齋山付論交新舊快提獎序  
酬武子詩贈傅如何景定鄭吳門遽抱遺編歎漫洎六十年纔  
電去疾七萬字同星列附印本驚逢鄭補前初脫自木神采具  
綢綉錫山桂坡老實始收藏等瓊璐送經毛宋幾淪蕪直待蘇  
齋發局錮歸依今得南海公古槩英英歷書庫當時蘇齋拜生  
日年年蹋雪我公與雙屐一笠神來思兩施一顧祀應附七百  
載閱滄桑多卅一卷猶星鳳翥今長秋館疏雨歇爲展檀函古

香赴我公嗜古重表微何不重將貞木鋸一爲雪堂張羽翼甯  
止西陂糾繆誤我雖蹇劣如策鷲儼許校雠勤婦靈坡詞補注  
竟零落莫由合併同豁露爭傳鐵綽大江東誰解忽雷長短句

題荷丈南嶽開雲圖時畱住又一邨多日思爲嶽游也

衡嶽含簇萬古雲昌黎而後不復分雖然胡朝見日出山靈祕  
翳眞精神我公威棱聳鬱島我公文章下朱鳥三公秩祀肅火  
維萬里雲波鏡滄沼丹忱凝貫兩眼光近睇赤日不縮蔽洞庭  
軒樂似聞野上古帝臺徐酌漿我來直擬嶽游去雙屐閒雲爲  
公住眼穿奇匿埽蟬餘寢墮蒼茫迴雁處蕭晨讀畫轉激昂徑  
當蹋薛登崇岡重陽看碑斜雨外醉夜斟詩南斗旁

荷屋丈人賦梅圖廿五歲時作

世閒萬本梅花賦競說鷲語蜂房句若云人偉文則傳胡爲零

落長松篇公於文貞微尚近其人與文驂之靳哦聲高高梅俛  
聽廿五歲時風骨定冰融雪澤大海光南枝一發天下香我詩  
蛩語秋唧唧對公寒句不敢出卻笑水仙配食孤山逋無端唐  
突凌雲之氣相如書

荷丈設宴又一邨以詩紀事次韵書王叔明秋山行旅

圖後

秋氣著林葉初赭萬蛩夜語籬巴下堂堂日月去如波人事輸  
與知更豷青山如鏡明靚冷照見天涯游子影浪逐魚龍戰秋  
窟卻似猥颯墜叢嶺竭來騎輪車忽就九軌道選勝復揆幽眸  
豁雙足躋一樽名酒同古冰百世才人共秋抱飛騰前輩去若  
仙歎息吾生胡不早黃花欲開我先賀豪論驚人公未老銀槎  
杯事想絕奇江上康山空爾爲

席間刺談前輩風  
雅因及銀槎杯事

且倚虛廊醉

瑤躡起繞細路穿煙霏珠闌畫柱曲折歷竹籬茅舍仿佛之拾  
級陟峻不敢盡江光晚紅嶽色碧天風浪浪到巾屨瑟瑟幽懷  
生水石莫看秋山行旅圖猛淚思親怕留迹

荷丈見示羅浮山紀游詩廿五首

我讀羅浮詩如到羅浮境空山噓凍榕始春丹竈藏雲石不冷  
獅蹲鶴翥仙乎仙題名刻石能千年奇哉上界一滴潤散作人  
閒不竭泉言登華首臺更酌酥醪水笑踰懸厰折桃花醉濯飛  
淙躡赤鯉澗山淺水梅花邨欲抱寒雲與結鄰豈知身是星嶽  
貴正待蔭成瀛宇春叢叢山水歸陶冶官集束筍付遙寫快從  
高詠羨奇游想見經綸出瀟灑我生日逐塵土忙卻隨新鴈成  
南翔徑躡芑屨到官閣喜看菊花攢屋梁昨夜清風見瑤月翩  
然忽化羅浮蜨躡披仙爾一身香采采文章彰不滅

湘皋丈命題賢祖松堂讀書圖

讀書松樹裏人意與松清四山風雨來不亂讀書聲讀書如此

松柯葉通靈光立身如此松寒堅出奇蒼  
松堂讀書處孫枝森布漫根底無年歲暉采浮月露吾家有老  
松蔭及六代孫秀連兩桂樹修修日當門

文信國看雲遺照

當年捧日擎天事也有看雲據石時一任狂風動林壑愛它突  
兀歲寒枝

周忠介公書寒月篇扇面羅研生屬題

烏乎萬古此寒月似冰非冰雪非雪寒月之華甘比醇酌斟益  
壽三千春寒月之性止如水鑒我中心廓不起人生百歲多浮  
沈寒月潭潭自古今夜靜天空照無缺孝子忠臣魂魄朗當時

就難不委它靈氣上躍浮纖阿龍樹庵前遺墨化白蓮橋外野  
煙多

王二樵粟園詩

人生造化裏滄海一粟耳諡園以粟更奇幽茫茫人向粟中游  
捫石睇井思先澤松樹百圍皆手植當時學詩如學語只今詩  
格如松古抱圓向人作兒嘯我見主髯心肅悽底用風雲月露  
累牘連篇詞袞袞子孝臣忠詩教本

九月初三日登舟將往衡山

高堂將白頭何苦恣遠游非不得已非得已行盡山程涉湖水  
湖水白茫茫旅鴈中夜翔蘆葭過疾雨橘柚已新霜中流一櫂  
鷗鷺起嶽色招人三百里聞君好讀書我有赤文綠字相盤紆  
聞君能飲酒我有玉漿仙棗服之壽長久書亦不欲讀酒亦不

欲飲但開衡雲鎮不開我憶韓公淚如縷湘江水淺綠勝油近  
山去盡遠山浮波浪沅沅流不化新疑舊恨古牢愁

夜泊

蘆花瑟瑟水沈沈柔櫓音希夜已淡涼月一邨舟欲泊不聞絃  
管但聞砧

雜書絕句

年年秋上定王城回首全家住玉京知是主人知是客月中歸  
屢不分明

遙想堂前秋夜長思兒淚盡更思鄉蹲鴟苗與雞蘇葉止有家  
山種最香

看雲憶弟最高峯阿仲何緣賦菲葑北鴈傳書知幾度長沙纜  
展弟三封



書來病婦說平安別向炎天歲又寒自笑塵根難解脫年年勸我莫求官

今懷古抱本無差萬種芳心共一家殘石尙留循吏碣靈根不斷美人花

法曲當年古不如如今翻笑李唐迂霓裳七徧方教舞試看周營按樂圖

劇譚疾跋夜鐙青小史傳箋走不停紅徧夫容黃徧菊不如題躩古芳馨

又一部  
關古

爲近重陽苦憶家安排螯蟹是生涯清風大月秋無價買得雛姬當菊花

敢論福命與文章廿載運回古戰場何事更羈游子權中秋造榜到重陽

羅研生來宿

前軌何勞數  
鄴虬詞華出水氣  
當秋蕉陰一榻論  
千古半夜狂風撼寺樓

題孔宥函同年詩卷

丙中

蒼茫萬古心參差  
天地事人生廁其閒  
所向皆成媿宥函  
東魯賢性情託文字  
敦肅孝弟倫感慨師  
友誼苦語落蒼莽  
沈幾出蕉萃秋風何處來  
馳驟疾如驥奔逐  
入胸腹淒切到寢寐  
晚花欲無香蛩語疑有淚  
我懷夜根燭曠朗忽無寄  
何時寺門月高

歌同一

醉君時寓蓮花寺

劉蘅洲同年玉堂歸娶圖

玉堂早慰倚闔思  
蹶里爭吟旭日詩  
爲待天錢來撒帳  
歸鞭盼到菊花時

新衣宮錦稱身裁蓮燭光移玉鏡臺天上寶書人不識輕描鍊

就畫眉才

君習  
詩書

家山梁苑麗情多東去黃流月照波不羨摩空新賦手乘槎今日到天河

送黃香鐵歸潮陽

柔兆涓灘九月節長安菊花爛如雪黃兄悵愴向杯酒云將歸去耕其鐵潮陽學舍南海頭波濤瀕洞不可求下有奇鐵鎮水府萬年珊瑚網無人收君將水耕浪蹙脚白日下種龍來穫種得珍珠能照夜朗益眸子清神魄君將陸耕野澤陬鳳皇守剛麒麟粳孕苗靈芝九華絢咀食益壽三千秋此閒淤泥礪如乳竟無寸田安鐵處我今無鐵更無田逢水栽秧逢火煮

題西湖紀游畫卷

西湖清妙萬象攝一任游人競揆躡譬如春風悅情性見花是  
花葉是葉我公來游意殊猛披攬湖山歸管領卅年塵鞅苦難  
脫幾度鴻泥勤自省我今讀詩兼看畫仿佛從公湖上語別來  
四載風雨積窳繞六橋雲水挂南山北山溪復淡我懷鷗鷺不  
可任人生蹤迹競如織湖上清光空古今

題陸筱飲黃山圖

寢裏黃山醒後圖居然奇秀到天都誰知雲海蒼茫外靈氣仙  
風不可摹

題李海颿觀察丈寄鴻堂詩集

公昔臨吾郡澤播瀟湘濱惠氣與摩拂文教鋪紛綸我方肅巾  
屨逐隊弟子員趨陪到郡閣公顏和而敦高文積卷軸寵命與  
討論歐陽古情暢桐城師法尊三春風雨別十年懷抱溫江山

莽空闊日月相追奔恭聞觀

闖闖使星來蜀汶穆然喜且跂獲侍晤與言新詩富東筍遂寫  
如羅珍投示與商酌快讀忘遠循叢岫恣遙目潛淵垂暗緝敷  
懷寶浩浩泛古何沄沄取公所存詩一如公爲文譬如江與河  
溢腸同壑源流派殊北南氣息同朝昏長安萃羣彥儲理罔不  
陳公來悉諧際譚執互命樽風流接前輩文采照搢紳公今復  
言去鄙意何由伸公乎古循吏我本湘中民

鄧湘臬丈六十壽詩

梅花擣破先生屋四千里外聞其馥長安馬走雪欲下南邨人  
閒酒初漉先生懷抱在經濟欲使環堵安耕牧輪蹄萬里累行  
李道德中年成老宿謂是儒林百歲士詎今花甲一周復天倫  
棟莩耕有耦祖德松堂書可讀友朋漸覺星月稀兒孫來共文

章福嘗疑鉛藥耗髮齒卻富精神照松竹筆端生氣活古彥山  
中奇采騰破籠憶陪末座眼長青小別一年心似轂春鎧翦雨  
遠惠賤秋緒如煙過采菊苦隨白日蹋塵土想見清風灑巾幅  
性情靈氣芝九英文字吉祥穀大熟蛩語唧唧奚足聽鶴聲琅  
琅先我祝

寄陳九香河南

去冬客大梁蹠雪陟鐵塔黃河走荒荒城樹響颯颯取醉夕陽  
共吟詩成雞雞君時何處去寂寂不我荅隔年兩新篇千里一  
丸蠟殷勤說舊游諧暢憶簪盃追逐東坡輓正值孤山臘山閒  
萬梅藥鼻鼻日幾巾花下明月光芒屨不忍蹋別來幾時節車  
馬日駁踏湖山及友朋一分未可合酒杯積浮塵詩稿同破衲  
館閣最清悶檳刺紛雜還羨君爲少閒差堪治棹楫詩宜吹臺

作碑定龍門搨一官星繫匏萬慮枚數闔懷抱要清新精神勤  
奮納聊效吟寒蛩勞汝附書鴿

望雪同子毅作

狂風感夜氣馳驟聲相及寒稜懸空中相逼苦迫急肅如洞壑  
闕巖若波濤立捷如劍俠過慄似荒鬼入鏡啞月魄瘦脂枯日  
輪躑青山空崢嶸流水忘於邑孤孺蹲欲塑老蚊暗有泣木裂  
易晨樵井汭艱夜汲骨森僵似木膚凍皴有粒手戟指未知鬚  
冰脣不溼棉鞞踏成鐵纒冠化爲笠擁裘無客來對火得酒吸  
安得六出飛更喜三尺集龍鱗浩溶溶鶴羽任緝緝要看玉萬  
疇願陟塔七級咀此冬靈華甘比春雨汁豐年幾時占荒句不  
可拾奈此苦寒何梅花暗香襲

送羅蘇谿前輩出守平陽用東坡聚星堂雪韻三首

玉堂淡祕雲四葉奏

御詞頭燦煙雪大夫德音包九能學士才名豔三絕都符恭承  
天子使展齒能令故人折馬前山色已先到衣上緇塵猶未滅  
長安多少松桂交珠聯璧貫何由掣爭評石墨涎流紙共嗅黃  
花香有纈從來別緒種酣嬉更數舊游成瑣屑湘江風雨驚十  
稔自乙酉逐隊省  
未關爲訂交之始宦海煙波纔一瞥聲華中外遂如許少日同  
游競傳說羨君報

國有先驅感歎山中硯猶鐵

謂第容兩掛湘  
橈尹臣諸君

空庭無風墜危葉一夜沈雲作初雪清晨集霰乍欲無亭午飛

花殊未絕客來漸覺酒鱗動火煙不愁鐺腳折文章太守悵離

羣別思紛綸何起滅斜陽易落杯更把有客高吟筆難掣

月倚  
前輩

即席賦詩我記兒時侍冬宴頭觸屏風眼生纈寒宵促坐燭苦短醉



裏新篇劔罪屑卅年諸老盡崇貴吟社荒涼付飄瞥早期日見  
阿翁忙韵事猶能兒輩說一麾無忘舊史氏公暇鑄詩如鑄鐵

席間談及嘉慶中  
年消寒詩社之盛

官常吏治有根葉先以陽和後霜雪長空鷹隼亦何多每爲羣  
棲坐愁絕太行霍岳山氣靜黃河西來鎮曲折平陽況是古都  
會唐魏遺風未銷滅譬如操縵務絃安莫便肆書虞射擊  
國家政體尙閔偉慮窮完練成碎顛人才培溉從郡縣要收梁  
棟餘木屑鰓生讀書斟章句細字斜行鏡影瞥爲君起舞乍激  
昂無事多言容我說使君到郡行祭耒汾曲家家耕有鐵

次韵東楊漱雲

詩稿紛紛亂如葉剡藤叢心不可雪楊侯爲我朱墨圍掩卷呼  
杯詫奇絕輪扶大雅吾所畏知於此事臂九折顧獨於我不瑕

疵如癥在面焉能滅高岡鳴鳳朝陽麗大海吟龍碧波掣各有  
精神瑞聖圖俗羽凡鱗如散纈我生頗懷千歲志猶恐不爲古  
人屑若復十駕靳奔馳那怪百年付飄瞥近來牘刺荒鉛藥夜  
屢慚惶每難說因詩聊復相慰勉硯寒墨凍堅勝鐵

元卿鏡詩次韵爲漱雲作

楊侯曉闕街頭葉得鏡眠我明勝雪青銅無花常皎然玉筋鐫  
銘態殊絕上規明月戒盈滿下鑑璇波自圓折試讀銘詞務潛  
晦似謂光生不如滅萬形畢肖乃櫻甯石火電光同一掣元卿  
何人類有道解澈塵蒙如翳顯我心鈍似不躍金物擾恆同洗  
鹽屑便當長作堇山銅大冶雖精非所警惜哉元卿不復作楊  
侯智者唯吾說須知鑪鞴盡真光多少良金變頑鐵

與尊伯漱雲兩兄及毅愚兩弟嘗條三所贈龍井新茶

次涪翁謝人送壑源揀茶韻

杭州上焙珍如璧北客紛紛都不識只有江南浪漫人舌本玲瓏非耳食天久不雪晴倚欄同語湖山一破顏我昔游蹤到玉局往往野漁船上宿新芽春試冷泉亭貢品寒銷官閣燭竭來塵邸苦多禮清濁誰復別涇渭一聿芬芳何處來五人風味能相似舊游一去如亾羊忽然湖光照肝腸畫情直覺山翠湧鼻觀更逼寒梅香二客善醉不須走此物陶詩兼醒酒

漱雲瀹梅花代茶有詩次韻奉和

入水求珠山采璧各有神明殊意識雖云臭味無差池水煮梅花焉可食余季護梅書作欄凍窗照影冰雪顏夜淡偶離文史局有客睥睨如射宿茗壺偷瀹數朵花吟聲坐銷三寸燭是客溫文頗知禮妙語斷斷別涇渭秋食菊英未爲惡夜負海棠差

比似孤山九里昔倘羊恨不梅花植我腸請看帳額鐵色榦何妨寢食同一香清晨欲出雪難走且摘梅花和苦酒

子敦履軒過話理初仙露繼至卽事作

家尊視浙學特甄樸學士沈子究地輿王郎辨族氏聯翩來上國文譽日騰起小子獲切磋幸免相夷鄙俞叟老未衰精熟文選理苗翁窮六書形聲發微指酒光燭影方能熊論議臆發開我蒙忽然四座寂無語天倪道味相沖融紙窗夜半明華月門門飛滿一天雪

臘月十三日快雪同子毅作

記從冬之孟下沐雪意動瞥忽五十日枯寒氣呼洵叩首農望焦垂思

聖懷棟業業大高殿屬屬

心香奉淵乎

一人誠沛作萬家龍雲光凝不飛雪氣到何勇凌晨乍浮浮入  
午尤溶溶紛如眾鶴下清風落厥氎飄若萬仙蠶冰絲抽自蛹  
我思買扁舟蒞篷直儼侗紅衣釣竿露靜浪孤權擁翩翩下蒼  
霄元元走越甬還從大江出遠滄洞庭洞要看水上雪雪和水  
成漣垂瓢汲清寒快胸祛夙壅我欲借大笠蹋橋健驢踊東遨  
陟泰岱西笑向峨隴石壁立無色高松鞠而拱要看山上雪雪  
力羴天聳便隨鸞鵠翔萬仞飛也嘍咄哉壯游緣不與奇境踵  
神魂恣寥闊聞見守闔闔長安馳驟場妍奢紛偶侑懷刺顏易  
低趨權趾多種機鋒互聳聒毛羽相愆憇噫晞氣鬱蒸化作塵  
至塢我抱山壑性廁茲癘多恐縮如檐底雀涸肖窟下菴何期  
歲寒景忽壓炎氛重朱門晝何寂駿轡晨不駛冰霜上塵頰溝

壑塞利孔萬類靜機發千家妙光籠梅花澹無影竹節堅多腫  
無勞埽徑疾且可煮茶捧務閒行屐緩容默吟袖攏兒童掬其  
英蹉跌墜兩鬢不聞嬌嘯惡翻成大笑嗒兒樂我乃同我語兒  
可懂明年田無蝗比似火掠蠖今宵瓶有酒爲我盃釘蝕